



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritualem Pharmacorum Contra Lvem Contagiosam Aliosque Morbos

Wichmans, Augustin

Antverpiae, 1626

Oratio pro auertenda peste.

urn:nbn:de:hbz:466:1-9653

dixit Cyprianus, oportet Deum de suo orare. Dei enim in primis est quod proprio suæ carnis ore protulit. Dei deinde quod Spiritus sanctus inspirando dictavit. Debet etiam teste Tertull. oratio proficisci ex tali spiritu qualis est spiritus ad quem emittitur.

Oratio pro auertenda peste.

Ad imita-
tionem ea-
rum pre-
cationum
quas auer-
tendis
periculis
belgicis
moribusq;
sedandis,
composuit
Iacobus
Janfon.
anno 1622.

EXaudi Domine supplicum preces, & confitentium tibi parce peccatis: quia multiplicatæ sunt iniquitates coram te, & peccata nostra responderunt nobis. Vnusquisque in viam suam declinavit, & auersi sumus ne iremus post tergum Dei nostri: ideo apprehenderunt nos hæc mala vniuersa. Attende de cælo & vide de habitaculo sancto tuo & gloriæ tuæ. Ecce manus tua super agros nostros, & super nos ipsos pestis grauis valde: mortibus ægrotationum moriuntur grandes & parui in terra nostra; non sepeliuntur neque planguntur, sed super faciem terræ in sterquilinum manent. Ne irascaris Domine satis, neque vltra memineris iniquitatis nostræ; sed dic angelo percutienti, Sufficit: nunc contine manum tuam, nam ciuitates nostræ factæ sunt desertæ, factæ sunt in exustionem ignis. Numquid non populus tuus omnes nos? vbi est multitudo viscerum tuorum & miserationum tuarum? Conuertere Domine aliquantulum, & conuerte manum tuam & gladium tuum in vaginam. Si autem iniquitates nostræ responderint nobis, Domine fac propter nomen tuum; neque enim in iustificationibus nostris prosternimus preces nostras, sed in miserationibus tuis multis. Exaudi Domine, placare Domine, attende & fac propter te ipsum Deus noster, quia nomen tuum inuocatum est super nos. Numquid vsque ad internecionem desuet

ORATIO PRO AVERTENDA PESTE. 405

defauit mucro tuus? ecce peruenit gladius vsque ad animam, & abbreviata aut paruula facta est manus tua, vt non possis redimere, aut non est in te virtus ad liberandum? numquid medicus non est in Galaad, aut resina non est ibi? Numquid proiciens abiiecisti Iudam aut Sion abominata est anima tua? quare ergo percussisti nos vt nulla sit sanitas? quare dolor meus factus est perpetuus & insanabilis plaga mea? Conuertimini filij reuertentes & sanabo auersiones vestras. Venite reuertamur ad Dominum, quia ipse cepit & sanabit nos, percutiet & curabit nos. Ecce nos venimus ad te. tu enim es Dominus Deus noster, qui percutis & manus tuæ sanabunt, mortificas & viuificas, deducis ad inferos & reducis. Conuertere Domine propter seruos tuos, tribum hereditatis tuæ, & saluum fac populum tuum Domine, & benedic hereditati tuæ. Ecce tu iratus es & peccauimus tibi: sed cum iratus fueris misericordiam recordaberis. Quiescat ergo ira tua, & esto placibilis super nequitia populi tui, quia facis misericordiam in millia his qui diligunt te & custodiunt præcepta tua. Peccauimus cum patribus nostris, iniuste egimus, iniquitatem fecimus; sed numquid voluntatis tuæ est mors nostra, & non magis vt conuertamur & viuamus? Conuerte nos ergo ad te, & conuertemur, quia neque herba neque malagma sanabit nos, sed tuus, Domine, sermo, qui sanat omnia. Sana nos Domine, & sanabimur; saluos nos fac & salui erimus. Miserere nostri Domine, quoniam infirmi sumus: sana nos Domine, quoniam conturbata sunt ossa nostra. Recordare Abraham, Isaac & Iacob, omniumque seruatorum tuorum fidelium, & secundum magnitudinem brachij tui posside filios mortificatorum, tu cuius misericordia à progenie in progenies timentibus te, ne forte venias & percutias terram anathemate, qui venturus es iudicare viuos & mortuos, & sæculum per ignem. Amen.

Ecc 3

VOTVM